

**Añã.** Adhæsit ánima mea post te,  
quia caro mea lapidáta est pro te  
Deus meus.

**Capitulum.** *Actor. 6. c*

**S**urrexérunt autem quidam de  
synagóga, quæ appellátur  
Libertinórum, & Cyrenénsium,  
& Alexandrinórum, & eórum qui  
erant à Cilicia & Asia, disputántes  
cum Stéphano: & non póterant  
resistere sapiéntiæ, & spiritui, qui  
loquebátur. **R.** Deo grátias.

**R. br.** Posuísti Dómine, \* Super  
caput ejus. Posuísti Dómine super  
caput ejus. **V.** Corónam de lápide  
pretiósó. Super caput ejus. **Gloria**  
Patri, & Fílio, & Spiritui sancto.  
Posuísti Dómine super caput ejus.  
**V.** Magna est glória ejus in salutári  
tuo. **R.** Glóriam & magnum decò-  
rem impónes super eum. **V.** Dómi-  
nus vobíscum. **Oratio.** **D**a nobis,  
quæsumus Dómine, **&c. ut supra**  
**ad Tertiam, fol. 193.**

AD

AD NONAM.

**Pater** noster. **A**ve María.

**Post V.** Deus in adjutórium.

**Gloria** Patri, & **Hymnum.** **R**e-  
rum Deus tenax vigor, **ut supra,**  
**fol. 109.**

**Añã.** Ecce vídeo. **Psalmus.** **M**ira-  
bília testimónia tua. **Clamávi** in  
toto corde meo. **Príncipes** persecúti  
sunt me. **ut ibidem, fol. 110.**

**Añã.** Ecce vídeo cœlos apértos, &  
Jesum stantem à dextris virtútis Dei.

**Capitulum.** *Actor. 7. g*

**P**ositis autem génibus, clamá-  
vit voce magna, dicens: Dó-  
mine, ne státuas illis hoc peccátum.  
Et cùm hoc dixisset obdormívit in  
Dómino. **R.** Deo grátias.

**R. br.** Magna est glória ejus,  
\* In salutári tuo. Magna est glória  
ejus in salutári tuo. **V.** Glóriam &  
magnum decòrem impónes super  
eum. In salutári tuo. **Gloria** Patri,  
& Fílio, & Spiritui sancto. Magna  
est glória ejus in salutári tuo.

I 2 **V.** Jus-

**V.** Justus ut palma florêbit. **R.** Sicut cedrus Libani multiplicabitur.

**V.** Dóminus vobiscum. **Oratio.** Da nobis, quæsumus, &c. ut suprâ ad Tertiam, fol. 193.

**Ad Vesperas, Antiphona.**

Tecum princípium, cum reliquis Antiphonis & Psalmis de Nativitate, ut suprâ. 148.

Et dicuntur etiam in aliis Festis infra hanc Octav. occurrentibus.

**Capitulum.** Actor. 6. b

**S**Téphanus autem plenus grátia & fortitúdine, faciêbat prodígia & signa magna in pópulo. **R.** Deo grátias.

**Hymnus.**

**D**Eus tuórum militum  
Sors, & coróna præmium,  
Laudes canêntes Mártyris  
Absólve nexu críminis.

**H**ic nempe mundi gáudia,  
Et blanda fraudum pábula  
Imbûta felle députans,  
Pervênit ad cœlestia.

**P** **C**

**P**œnas cucúrrit fórtitèr,  
Et sústulit virilitèr,  
Fundénsque pro te sánguinem,  
Ætérna dona póssidet.

**O**b hoc precátu súplici  
Te póscimus piússime;  
In hoc triúmpho Mártyris  
Dimítte noxam sérvulis.

**J**esu, tibi sit glória,  
Quí natus es de Vírgine,  
Cum Patre, & almo Spírítu,  
In sempitérna sécula. Amen.

**V.** Stéphanus vidit cœlos apértos.  
**R.** Vidit & introívit: beátus homo,  
cui cœli patébant.

**Ad Magnificat, Antiphona.**

Sepeliérunt Stéphanum viri timoráti, & fecérunt planctum magnum super eum.

**V.** Dóminus vobiscum. **R.** Et cum spírítu tuo.

**O**rêmus.

**Oratio.**

**D**A nobis, quæsumus Dómine,  
imitári quod cólimus, ut discámus & inimicos diligere: quia

ejus natalitia celebrâmus, qui novit  
 étiam pro persecutóribus exorâre  
 Dóminum nostrum Jesum Chris-  
 tum. *R.* Amen.

*Deindè pro commemoratione  
 sancti Joannis, Aña.* Iste est Joán-  
 nes, qui supra pectus Dómini in  
 cœna recúbuit: beátus Apóstolus,  
 cui revelâta sunt secrêta cœlestia.  
*Ps.* Valdè honorândus est beátus  
 Joáñnes. *R.* Qui supra pectus Dó-  
 mini in cœna recúbuit.

*Orémus. Oratio.*

**E**cclésiã tuã, Dómine, be-  
 nígnum illústra: ut beáti Joán-  
 nis Apóstoli tui & Evãgelistæ  
 illuminâta doctrínis, ad dona per-  
 véniat sempitérna.

*Postea de Nativitate, Aña.*  
 Hódiè Christus natus est: hódiè  
 Salvátor apparuit: hódiè in terra  
 canunt Angeli, lætántur Archán-  
 geli: hódiè exúltant justí, dicéntes:  
 Glória in excélsis Deo, allelúia.  
*Ps.* Notum fecit Dóminus, allelúia.

*R.* Sa-

*R.* Salutâre suum, allelúia.

*Orémus. Oratio.*

**C**oncède quæsumus omnípo-  
 tens Deus: ut nos Unigéniti  
 tui nova per carnem nativitas líbe-  
 ret, quos sub peccáti jugo vetústa  
 sérvitus tenet. Per eúmdem Dómi-  
 num nostrum Jesum Christum.

*R.* Amen.

*Ps.* Dóminus vobíscum. *R.* Et cum  
 spírítu tuo. *Ps.* Benedicâmus Dómi-  
 no. *R.* Deo grátias. *Ps.* Fidélium  
 ánimæ per misericórdiam Dei re-  
 quiéscant in pace. *R.* Amen.

**IN FESTO**

**S. JOANNIS APOSTOLÍ ET EVANGEL.**

*Duplex.*

**AD MATUTINUM.**

*Pater noster. Ave María. Credo.*

*Versus.*

**D**omine lábia mea apéries.  
*R.* Et os meum annuntiábit  
 laudem tuã. *Ps.* Deus in adju-  
 tórium meum inténde. *R.* Dó-  
 mine ad adjuvándum me festína.

14

Gló-

**G**loria Patri. Sicut erat. Allelúia.

**I**nvitatorium. Regem Aposto-  
lòrum Dòminum, \* Venâte adorè-  
mus. **Psalmus.** Venite, exultèmus,  
ut suprà. 24.

**Hymnus.**

**Æ**Terna Christi múnera,  
Apostolòrum glóriam,  
Palmas, & hymnos débitos  
Lætis canâmus méntibus.

**E**cclésiàrum Príncipes,  
Belli triumphâles Duces,  
Coeléstis aulæ mílites,  
Et vera mundi lúmina.

**D**evòta sanctòrum Fides,  
Invicta Spes credéntium,  
Perfècta Christi Cháritas  
Mundi tyránnam cònterit.

**I**n his Patèrna glória,  
In his triúmphant Fílius,  
In his volúntas Spíritus,  
Coelum replètur gáudio.

**J**esu tibi sit glória,  
Qui natus es de Vírgine,  
Cum Patre, & almo Spíritu,

In

In sempitèrna sécula. Amen.

**In primo Nocturno.**

**Añã.** In omnem terram exívit so-  
nus eòrum, & in fines orbis terræ  
verba eòrum.

**Psalmus 18.**

**C**OELI enarrant glóriam Dei, \*  
& ópera mánuum ejus an-  
núnciat firmaméntum.

**D**ies dièi erúctat verbum, \* & nox  
nocti índicat sciéntiam.

**N**on sunt loquélæ, neque sermó-  
nes, \* quorum non audiántur voces  
eòrum.

**I**n omnem terram exívit sonus eò-  
rum: \* & in fines orbis terræ verba  
eòrum.

**I**n sole pósuit tabernáculum suum: \*  
& ipse tamquàm sponsus procédens  
de thálamò suo:

**E**xultávit ut gigas ad curréndam  
viam, \* à summo cœlo egressio ejus:

**E**t occúrsus ejus usque ad sum-  
mum ejus: \* nec est qui se abscon-  
dat à calóre ejus.

15

Lex

**L**ex Dómini immaculâta, convér-  
tens ánimas: \* testimónium Dómi-  
ni fidèle, sapiéntiam præstans par-  
vulis.

**J**ustitiæ Dómini rectæ, lætificán-  
tes corda: \* præcéptum Dómini  
lúcidum, illúminans óculos.

**T**imor Dómini sanctus, pérma-  
nens in séculum séculi: \* judícia  
Dómini vera, justificâta in semet-  
ípsa.

**D**esiderabilia super aurum & lápi-  
dem pretiôsimum multum: \* & dul-  
ciôra super mel & favum.

**E**tenim servus tuus custôdit ea, \*  
in custodiéndis illis retribútio multa.

**D**elicta quis intélligit? ab occultis  
meis munda me: \* & ab aliénis  
parce servo tuo.

**S**i mei non fúerint dominâti, tunc  
immaculâtus ero: \* & emundâbor  
à delicto máximo.

**E**t erunt ut compláceant elóquia  
oris mei: \* & meditatio cordis  
mei in conspéctu tuo semper.

D ó-

**D**ómine adjûtor meus, \* & re-  
demptor meus.

**G**loria Patri. Sicut erat.

**A**ña. In omnem terram exívit so-  
nus eôrum, & in fines orbis terræ  
verba eôrum.

**A**ña. Clamavérunt justí, & Dómi-  
nus exaudívit eos.

*Psalmus 33.*

**B**enedícam Dóminum in om-  
ni témpore, \* semper laus  
ejus in ore meo.

**I**n Dómino laudábitur ánima mea: \*  
áudiant mansuétí, & læténtur.

**M**agnificâte Dóminum mecum: \*  
& exaltémus nomen ejus in idípsum.

**E**xquisívi Dóminum, & exaudívit  
me: \* & ex ómnibus tribulatióni-  
bus meis erípuit me.

**A**ccédite ad eum, & illuminá-  
mini: \* & fácies vestræ non con-  
fundéntur.

**I**ste pauper clamâvit, & Dóminus  
exaudívit eum: \* & de ómnibus  
tribulatióibus ejus salvâvit eum.

16

Im-

**I**mmittet Angelus Dómini in circuitu tíméntium eum: \* & erípiet eos.

**G**ustáte, & vidéte quóniam suávis est Dóminus: \* beátus vir, qui sperat in eo.

**T**íméte Dóminum omnes sancti ejus: \* quóniam non est inópia tíméntibus eum.

**D**ívites eguérunt & esuriérunt: \* inquirentes autem Dóminum non minuéntur omni bono.

**V**eníte filii, audíte me: \* tímórem Dómini docébo vos.

**Q**uis est homo qui vult vitam: \* diligit dies vidére bonos?

**P**róhibe linguam tuam à malo: \* & lábia tua ne loquántur dolum.

**D**ivérte à malo, & fac bonum: \* inquire pacem, & perséquare eam.

**O**culi Dómini super justos: \* & aures ejus in preces eórum.

**V**ultus autem Dómini super faciéntes mala: \* ut perdat de terra memóriam eórum.

**Clam-**

**Clamavérunt** justí, & Dóminus exaudívit eos: \* & ex ómnibus tribulatióibus eórum liberávit eos.

**Juxtà** est Dóminus iis, qui tribuláto sunt corde: \* & húmiles spírítu salvábit.

**Multæ** tribulatióes justórum: \* & de ómnibus his liberábit eos Dóminus.

**Custódit** Dóminus ómnia ossa eórum: \* unum ex his non conterétur.

**Mors** peccatórum péssima, \* & qui odérunt justum delínquent.

**Rédimet** Dóminus ánimas servórum suórum: \* & non delínquent omnes qui sperant in eo.

**Glória Patri.** Sicut erat.

**Aña.** Clamavérunt justí, & Dóminus exaudívit eos.

**Aña.** Constítues eos príncipes super omnem terram: memores erunt nóminis tui Dómine.

**Psal-**

**E**Ructavit cor meum verbum bonum : \* dico ego ópera mea Regi.

**L**ingua mea calamus scribæ , \* velociter scribentis.

**S**peciósus forma præ filiis hóminum , diffusa est grátia in lábiis tuis : \* propterea benedixit te Deus in ætérnum.

**A**ccingere gládio tuo super femur tuum , \* potentissime.

**S**pecie tua & pulchritudine tua \* inténde , prospere procède , & regna,

**P**ropter veritatem , & mansuetudinem , & justitiam , \* & deducet te mirabiliter dextera tua.

**S**agittæ tuæ acutæ , populi sub te cadent , \* in corda inimicorum regis.

**S**edes tua Deus in séculum séculi : \* virga directiõnis virga regni tui.

**D**ilexisti justitiam , & odisti iniquitatem : \* propterea unxit te Deus,  
Deus

Deus tuus óleo lætitiæ præ consórtibus tuis.

**M**yrtha , & gutta , & casia à vestiméntis tuis , à dómibus eburneis : \* ex quibus delectaverunt te filiæ regum in honóre tuo.

**A**stítit regína à dextris tuis in vestitu deaurato , \* circumdata varietate.

**A**udi filia , & vide , & inclina aurem tuam : \* & obliviscere populum tuum , & domum patris tui.

**E**t concupiscet Rex decorem tuum : \* quóniam ipse est Dóminus Deus tuus , & adorábunt eum.

**E**t filiæ Tyri in munéribus \* vulturnum tuum deprecabúntur , omnes divites plebis.

**O**mnis glória ejus filia Regis ab intus , \* in fimbriis áureis circumamicta varietatibus.

**A**dducéntur Regi vírgines post eam : \* próximæ ejus afferéntur tibi.

**A**fferéntur in lætitia & exultatione:  
ne:

ne: \* adducéntur in templum Regis:

**P**ro pátribus tuis nati sunt tibi filii: \* constitues eos príncipes super omnem terram.

**M**émores erunt nóminis tui \* in omni generatióne & generatióne.

**P**ropterea pópuli confitebúntur tibi in ætérnum, \* & in séculum séculi.

**G**lória Patri. Sicut erat.

**A**ña. Constitues eos príncipes super omnem terram, mémores erunt nóminis tui Dómine. **V.** In omnem terram exívit sonus eórum. **R.** Et in fines orbis terræ verba eórum.

**P**ater noster. **Absolutio.** Exáudi Dómine Jesu Christe preces servórum tuórum, & miserére nobis, qui cum Patre & Spíritu sancto vivis & regnas in sécula seculórum. **R.** Amen. **V.** Jube domne benedicere. **Benedictio.** Benedictiône perpétua benedicat nos Pater ætérnus. **R.** Amen.

In-

Incipit Epístola prima beáti Joánis Apóstoli.

**Lectio j.** **Cap. i.**

**Q**UOD fuit ab inítio, quod audívimus, quod vídimus óculis nostris, quod perspéximus, & manus nostræ contrectavérunt de verbo vitæ: & vita manifestata est, & vídimus, & testámur, & annuntiámus vobis vitam ætérnam, quæ erat apud Patrem, & apparuit nobis: quod vídimus & audívimus, annuntiámus vobis, ut & vos societatem habeátis nobiscum, & societas nostra sit cum Patre, & cum Filio ejus Jesu Christo. Et hæc scríbimus vobis, ut gaudeátis, & gáudium vestrum sit plenum. Et hæc est annuntiatio, quam audívimus ab eo, & annuntiámus vobis: Quóniam Deus lux est, & ténébræ in eo non sunt ullæ. Tu autem Dómine miserére nobis.

**R.** Deo grátias.

**R.** Valdè honorándus est beátus Joán-



Joannes, qui supra pectus Domini in cœna recubuit: \* Cui Christus in cruce matrem virginem virgini commendavit. *V.* Virgo est electus à Domino, atque inter cæteros magis dilectus. Cui Christus in cruce matrem virginem virgini commendavit. *V.* Jube domne benedicere. **Benedictio.** Unigenitus Dei Filius nos benedicere & adjuvare dignetur. *R.* Amen.

*Lectio ij.*

**S**I dixerimus, quoniam societatem habemus cum eo, & in tenebris ambulamus, mentimur, & veritatem non facimus. Si autem in luce ambulamus, sicut & ipse est in luce; societatem habemus ad invicem, & sanguis Jesu Christi Filii ejus emundat nos ab omni peccato. Si dixerimus quoniam peccatum non habemus; ipsi nos seducimus, & veritas in nobis non est. Si confiteamur peccata nostra, fidelis est & justus, ut remittat

no-

nobis peccata nostra, & emundet nos, ab omni iniquitate. Si dixerimus quoniam non peccavimus; mendacem facimus eum, & verbum ejus non est in nobis. Tu autem Domine miserere nobis.

*R.* Deo gratias.

*R.* Hic est discipulus ille, qui testimonium perhibet de his, & scripsit hæc. \* Et scimus quia verum est testimonium ejus. *V.* Fluente Evangelii de ipso sacro Domini pectoris fonte potavit. Et scimus quia verum est testimonium ejus. *V.* Jube domne benedicere. **Benedictio.** Spiritus sancti gratia illuminet sensus & corda nostra. *R.* Amen.

*Lectio iij.**Cap. 2.*

**F**ilioli mei, hæc scribo vobis, ut non peccetis. Sed & si quis peccaverit, advocatum habemus apud Patrem, Jesum Christum justum: & ipse est propitiatio pro peccatis nostris; non pro

nos-

nostris autem tantum, sed etiam pro totius mundi. Et in hoc scimus quoniam cognovimus eum, si mandata ejus observemus. Qui dicit se nosse eum, & mandata ejus non custodit, mendax est, & in hoc veritas non est. Qui autem servat verbum ejus, verè in hoc charitas Dei perfecta est. Tu autem Domine miserere nobis. *R.* Deo gratias.

*R.* Hic est beatissimus Evangelista & Apostolus Joannes, \* Qui privilegio amoris precipui, cæteris altius à Domino meruit honorari.

*V.* Hic est discipulus ille, quem diligebat Jesus, qui supra pectus Domini in cœna recubavit. Qui privilegio amoris precipui, cæteris altius à Domino meruit honorari. Gloria Patri, & Filio, & Spiritui sancto. Qui privilegio amoris precipui, cæteris altius à Domino meruit honorari.

In

*In secundo Nocturno,*

*Añã.* Principes populorum congregati sunt cum Deo Abraham.

*Psalmus 46.*

**O**Mnes Gentes plaudite manibus: \* jubilâte Deo in voce exultationis.

Quoniam Dominus excelsus, terribilis: \* Rex magnus super omnem terram.

Subjecit populos nobis, \* & Gentes sub pedibus nostris.

Eligit nobis hæreditatem suam, \* speciem Jacob, quam dilexit.

Ascendit Deus in júbilo, \* & Dominus in voce tubæ.

Psallite Deo nostro, psallite: \* psallite Regi nostro, psallite.

Quoniam Rex omnis terræ Deus: \* psallite sapienter.

Regnabit Deus super Gentes: \* Deus sedet super sedem sanctam suam.

Principes populorum congregati sunt cum Deo Abraham: \* quoniam

niam

niam dñi fortes terræ, vehemēter elevati sunt.

*Glória Patri. Sicut erat.*

*Añā.* Principes populōrum congregati sunt cum Deo Abraham.

*Añā.* Dedisti hæreditatem timētibus nomen tuum Dōmine.

*Psalmus 60.*

**E**Xaudi Deus deprecationem meam: \* intēde oratiōni meæ.

**A** finibus terræ ad te clamavi: \* dum anxiarētur cor meum, in petra exaltasti me.

**D**eduxisti me, quia factus es spes mea: \* turre fortitudinis a facie inimici.

**I**nhabitabo in tabernaculo tuo in sæcula: \* protégar in velamento alarum tuarum.

**Q**uoniam tu Deus meus exaudisti orationem meam: \* dedisti hæreditatem timētibus nomen tuum.

**D**ies super dies regis adjicies: \* annos ejus usque in diem genera-

ra-

rationis & generatiōnis.

**P**ermanet in ætérnum in conspectu Dei: \* misericórdiam & veritatem ejus quis requireret?

**S**ic psalmum dicam nómini tuo in sæculum sæculi: \* ut reddam vota mea de die in diem.

*Glória Patri. Sicut erat.*

*Añā.* Dedisti hæreditatem timētibus nomen tuum Dōmine.

*Añā.* Annuntiaverunt ópera Dei, & facta ejus intellexerunt.

*Psalmus 63.*

**E**Xaudi Deus orationem meam cum deprecor: \* a timóre inimici eripe animam meam.

**P**rotexisti me a convēntu malignantium, \* a multitudine operantium iniquitatem.

**Q**uia exacuērunt ut gládium linguas suas: \* intēderunt arcum rem amaram, ut sagittent in oculis immaculatum.

**S**ubito sagittabunt eum, & non

ti-

timébunt: \* firmavérunt sibi sermônem nequam.

**N**arravérunt ut absconderent láqueos: \* dixerunt: Quis vidébit eos?

**S**crutáti sunt iniquitátes: \* defecerunt scrutántes scrutínio.

**A**ccédet homo ad cor altum: \* & exaltábitur Deus.

**S**agittæ parvulôrum factæ sunt plagæ eôrum: \* & infirmátæ sunt contra eos linguæ eôrum.

**C**onturbáti sunt omnes qui vidébant eos: \* & tímuit omnis homo.

**E**t annuntiavérunt ópera Dei: \* & facta ejus intellexérunt.

**L**ætábitur justus in Dómino, & sperábit in eo, \* & laudabúntur omnes recti corde.

**G**lória Patri. **S**icut erat.

**A**n̄a. Annuntiavérunt ópera Dei, & facta ejus intellexérunt.

**V**. Constitues eos príncipes super omnem terram. **R**. Mémoires erunt nóminis tui Dómine. **P**ater noster.

**Ab-**

**Absolutio.** Ipsíus píetas & misericórdia nos ádjuvet, qui cum Patre & Spírítu sancto vivit & regnat in sécula séculôrum. **R**. Amen.

**V**. Jube domne benedícere. **Benedictio.** Deus Pater omnipotens sit nobis propítius & clemens.

**R**. Amen.

Ex libro S. Hierónymi Presbyteri de Scriptóribus Ecclesiásticis.

**Lectio iv.**

**J**Oánnes Apóstolus, quem Jesus amávit plúrimùm, filius Zebedæi, frater Jacóbi Apóstoli quem Heródes post passíonem Dómini decollávit, novíssimus ómnium scripsit Evangélium, rogátus ab Asiæ Episcopis, advérsus Cerínthum, aliósque haréticos: & máximè tunc Ebionítarum dogma consúrgens, qui ásserunt Christum ante Mariam non fuisse: unde & compúlsus est divínam ejus nativítatem edícere. Tu autem Dómine miserère nobis. **R**. Deo grátias.

**K**

**V**. Qui